

Nama : Noviyanti Amelia Putri

Kelas : XII-2

KELALEN PR

Ing isuk ingkang cerah, Lia mlebet sekolah kanthi rai rada kuciwa. Ing tasipun, buku PR matematika tasek kosong, dereng ono PR sing digarap. Wingi dalu, karena kelalen nggarap PR amargi langkung kepincut dolanan HP lan mbantu ibunipun masak wonten pawon. Nalika mlebet kelas, kanca-kancanipun sami sesrawungan kathah ingkang ngendika “PR matematika punika angel sanget, nanging kulo sampun rampung, awit wingi sore kulo sinau bebarengan kaliyan sedherek.” Lia namung nyumet mesem, nanging atine ngraos kuatir. Piyambakipun sampun ngertos bilih malih Bu Guru badhé mlebet lan mriksa PR.

Bel mlebet muni. Bu guru matematika mlebet kanthi nggawa buku catetan. Panjenenganipun ngendika, “Anak-anakku, mangga sedaya nyerahaken PR ingkang kula paringi wingi.”

Kabeh siswa cepet-cepet medalaken buku lan maju nyerahaken PR. Lia tetep lungguh, atine dedek lan tangane gemeter. Nalika asmane kasebat, Bu guru ngendika,

Bu guru : “Lia, pundi PR panjenengan?”

Lia : “Lia nyawang mudhun, “Nyuwun pangapunten bu.. PR kula dereng rampung.”

Kelas dados sepi. Kanca-kancanipun sami nyawang, Lia rumangsa isin sanget lan meh nangis.

Sawise semedi sedhela, Lia lajeng nerangaken kanthi jujur,

“Wingi dalu kulo kesupen nggarap PR. Kulo langkung dolanan HP, lan ugi kedah mbantu ibu wonten pawon. Kulo sadar bilih punika kalepatan kula piyambak.”

Bu Guru lajeng mandeng kanthi alus, lajeng mesem, “Lia, kula remen bilih panjenengan jujur. Nanging, kedah dipun eling-eling, kewajiban siswa ingkang utama punika sinau lan nggarap PR. Dolanan lan mbantu kulawarga punika sae, nanging wekdal kedah dipun atur supados sedaya tugas saged rampung.

“Sawise nampi nasihat punika, Lia ngraos lega”. Piyambakipun janji badhe luwih disiplin lan mboten ngulang kalepatan sing sami. Bu Guru paring kesempatan supados Lia saged ngrampungaken PR punika sawise sekolah.

Saking cerita menika, saged kapetik piwulang bilih kejujuran langkung wigatos tinimbang ngapusi. Kajaba punika, saben siswa kedah sinau tanggung jawab saha ngatur wekdal kanthi prayogi. Dolanan lan mbantu kulawarga saged dipun tindakaken, nanging kewajiban sinau lan PR kedah dipun langkungaken rumiyin.